

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK**

Služba za opću upravu i društvene djelatnosti

Broj: 07/2-04 - /21

Bihać, _____

Na osnovu člana 140. Poslovnika Gradskog vijeća („Službeni glasnik Grada Bihaća“ broj: 3/16 i 4/20), a u vezi sa članom 52.stav 1. tačka b. Statuta Grada Bihaća („Službeni glasnik Grada Bihaća“ broj:13/15 i 13/18), Gradonačelnik u svojstvu predlagača odluka i drugih akata

O d r e đ u j e

I z v j e s t i o c a Omera Kurtovića, šef odsjeka za opću upravu u Službi za opću upravu i društvene djelatnosti, na sjednici Gradskog vijeća i radnim tijelima po prijedlogu tačke dnevnog reda:

-Zaključak o davanju saglasnosti na Pravila o izmjenama i dopunama Pravila JU „Centar za socijalni rad“ Bihać.

Po ovlaštenju gradonačelnika
br. 02/1-30-6542/21 od 14.12.2021.

Jasmin Stambolija

**BOSNA I HERCEGOVINA
FEDERACIJA BOSNE I HERCEGOVINE
UNSKO – SANSKI KANTON
GRAD BIHAĆ
GRADONAČELNIK**

Broj: 07/2 - /2021

Bihać, godine

GRADSKO VIJEĆE

- o v d j e -

Predmet: Zaključak o davanju saglasnosti na Pravila o izmjenama i dopunama Pravila Javne ustanove „Centar za socijalni rad Bihać“, - p r i j e d l o g

Na osnovu člana 52. stav 1. tačka b. Statuta Grada Bihaća („Službeni glasnik Grada Bihaća“, br.13/15 i 13/18) i člana 140. Poslovnika Gradskog vijeća Grada Bihaća („Službeni glasnik Grada Bihaća“, br.3/16 i 4/20), u prilogu vam dostavljamo prijedlog Zaključka o davanju saglasnosti na Pravila o izmjenama i dopunama Pravila javne ustanove „Centar za socijalni rad Bihać“.

O b r a z l o ž e n j e

I PRAVNI OSNOV

Pravni osnov za donošenje predloženog Zaključka sadržan je u :

-članu 35. tačka (ff) Statuta Grada Bihaća („Službeni glasnik Grada Bihaća“, br. 13/15 i 13/18), kojim je propisano da Gradsko vijeće daje prethodnu saglasnost na statute javnih preduzeća i pravila javnih ustanova, ukoliko zakonom ili odlukom o osnivanju nije drugačije propisano,

-članu 22. Odluke o osnivanju JU „Centar za socijalni rad Bihać“ („Službeni glasnik Općine Bihać“, br. 10/2000, 15/09 i 11/13) i („Službeni glasnik Grada Bihaća“, br. 4/16) kojim je propisano da je Ustanova obavezna da pribavi saglasnost Osnivača kod donošenja Pravila Ustanove ,

-članu 69. stav 1. Pravila JU „Centar za socijalni rad Bihać“ („Službeni glasnik grada Bihaća“, broj. 4/16) kojim je propisano da osnivač daje saglasnost na Pravila Centra, a članom 70. da se izmjene i dopune Pravila vrše na isti način i po istom postupku koji je predviđen za njihovo donošenje.

II RAZLOZI DONOŠENJA

Važeća Pravila Javne ustanove „Centar za socijalni rad Bihać“ donesena su na sjednici Upravnog odbora ustanove od 19.04.2016.godine i do sada nisu vršene izmjene i dopune istih. U okviru svojih izvršnih ovlašćenja , a na prijedlog Službe za opću upravu i društvene djelatnosti, Gradonačelnik je aktom broj: 07/2-04-5744/21 od 21.10.2021.godine inicirao poduzimanje određenih mjera i aktivnosti povodom Javnog konkursa raspisanog Odlukom broj: 01-31-1600-1-I/21 od 06.08.2021.godine i pri tom naložio Upravnom odboru da izvrši izmjene Pravila ustanove tako da ona budu u cijelosti usklađena sa Zakonom o ministarskim, vladinim i drugim imenovanjima Federacije BiH („Službene novine FBiH“, br.12/03,34/03 i 65/13) i principima i standardima sadržanim u Zakonu o zaštiti ličnih podataka („Službeni glasnik BiH“, broj: 49/06,76/11 i 89/11).

Uočeno je da je neophodno izvršiti određene izmjene Pravila u poglavlju III.- Direktor , u članu 51. i članu 52. Pravila u smislu konkretizacije posebnih uvjeta za izbor direktora kao i sadržaja potrebnih isprava i dokaza koji se prilažu u konkursnoj proceduri.

Odredba koja je propisivala poseban uvjet o stručnom ispitu nije bila dovoljno precizna i stvarala je dojam mogućnosti arbitrarne procjene koji ispit je relevantan, pa je u izmijenjenoj verziji ispuštena, a raniji posebni uvjet od pet godina radnog iskustva u struci mijenja se na najmanje pet godina na rukovodnim pozicijama što predstavlja opredjeljenje i procjenu Upravnog odbora o svrsishodnosti tog uvjeta, a donošenje pravila kao i izmjene i dopune istih je izvorno pravo tog organa sadržano u članu 27. Zakona o ustanovama („Službeni list R BiH“, broj: 6/92,8/93 i 13/94).

U članu 52. stav 3. bilo je nužno brisati odredbu o upozorenju podnosiocima prijave sa kojima se u roku od 8 dana ne uspostavi kontakt da neće biti razmatrani u daljem procesu imenovanja jer je kao takva u suprotnosti sa Zakonom o ministarskim, vladinim i drugim imenovanjima i brisana je članom 6. Zakona o izmjenama i dopunama Zakona o ministarskim, vladinim i drugim imenovanjima FBiH („Službene novine FBiH“, br. 65/13).

Odredbe iz člana 52. Pravila nisu sadržavale razlikovanje uvjeta koje kandidat za direktora treba ispunjavati od dokumentacije koju treba priložiti prilikom prijave na konkurs. Tako je opći uvjet da kandidat nije osuđivan i da se protiv njega ne vodi krivični postupak, po automatizmu, u važećim Pravilima, bio konkretizovan obavezom prilaganja dokaza o nekažnjavanju i nevođenju krivičnog postupka u fazi dokumentovanja u konkursnoj proceduri, a što je u suprotnosti sa imperativnom odredbom člana 227. stav 4. Zakona o krivičnom postupku FBiH („Službene novine FBiH“, broj: 35/03, 37/03, 56/03, 78/04, 28/05, 55/06, 53/07,9/09,12/10,8/13,59/14,74/20) i članom 9. stav 1. a u vezi člana 3. Zakona o zaštiti ličnih podataka („Službeni glasnik BiH“, br. 49/06,76/11 i 89/11).

U izmijenjenoj odredbi člana 52. Pravila jasno je precizirano da će nakon utvrđivanja rang liste kandidata Upravni odbor pisanim putem obavijestiti kandidata koji se nalazi na prvom mjestu rang liste, da je obavezan u roku od 7 dana dostaviti ljekarsko uvjerenje, kao i uvjerenja da se protiv njega ne vodi krivični postupak te da nije osuđivan.

U odredbi člana 3. Zakona o ministarskim, vladinim i drugim imenovanjima zakonitost je određena kao temeljni princip tog zakona, a članom 18. je propisano da se taj zakon ima tumačiti zajedno i kao dopuna postojećim zakonima FBiH odnosno BiH, pa kako su zdravstveno stanje, osuđivanost ili neosuđivanost određeni kao posebne kategorije podataka čiju obradu Zakon o zaštiti ličnih podataka zabranjuje, a što propisuje i Zakon o krivičnom postupku, bilo je nužno da se Pravila ustanove usklade sa važećim Zakonima, a na što upućuje i sudska praksa Suda BiH kao i preporuke Ombudsmena za ljudska prava Bosne i Hercegovine .

Pored navedenog izvršene su i određene izmjene i dopune u odredbama člana 50, člana 58 i člana 62. Pravila, a članovi 63 i 64. se brišu.

III. FINANSIJSKA SREDSTVA

Za realizaciju predloženog Zaključka nisu potrebna dodatna finansijska sredstva u Budžetu Grada Bihaća.

Prilog:

-Odluka Upravnog odbora JU Centar za socijalni rad Bihać, broj: 01-31-2392-1-I/21 od 01.12.2021.godine

-Pravila o izmjenama i dopunama Pravila JU „Centar za socijalni rad Bihać“,

-akt Sindikalne organizacije službenika i namještenika br.01-31-sl/21 od 23.11.2021.g.

Po ovlaštenju Gradonačelnika
br.02/1-30-6542/21 od 14.12.2021.

Jasmin Stambolija



Na osnovu člana 40. Stav 1. Pravila JU „Centar za socijalni rad“ Bihać, Upravni odbor JU „Centar za socijalni rad „ Bihać, na sjednici održanoj dana 30.11.2021. godine, d o n o s i

ODLUKU

o donošenju Pravila o izmjenama i dopunama Pravila JU“Centar za socijalni rad“ Bihać

I

Ovom Odlukom Upravni odbor JU „Centar za socijalni rad“ Bihać donosi Pravila o izmjenama i dopunama Pravila JU“Centar za socijalni rad“ Bihać

II

Pravila o izmjenama i dopunama Pravila JU“Centar za socijalni rad“ Bihać bit će dostavljena Gradskom vijeću radi davanja saglasnosti na ista.

III

Pravila o izmjenama i dopunama Pravila JU“Centar za socijalni rad“ Bihać stupit će na snagu 8 dana od dana objave

Broj:01-31-2392-1-I/21
Bihać,01.12.2021. godine

Predsjednik UO
Ramić Dženana



Broj:01-31/S1
Bihać; 23.11.2021. godine

Sindikalna organizacija službenika i namještenika
JU Centar za socijalni rad Bihać
Grad Bihać

n/r članova komisije za izradu Pravila JU „Centar za socijalni rad“ Bihać

Predmet: Prijedlog izmjena i dopuna Pravila JU „Centar za socijalni rad“ Bihać, dostavlja se;

Nakon što je komisija za izradu Pravila JU „Centar za socijalni rad“ Bihać izradila izmjene i dopune općeg akta, te isti dostavila članovima sindikata na razmatranje, sindikalna podružnica JU Centar za socijalni rad Bihać je dana 23.11.2021.godine održala sastanak, te su se prisutni složili sa izmjenama i dopunama navedenih Pravila, budući da su isti usklađeni sa važećim Zakonskim propisima.



UPRAVNI ODBOR

Na osnovu člana 27. Zakona o ustanovama („Službeni list R BiH“, broj 6/92,8/93 i 14/34), člana 54. stav 2. Zakona o socijalnoj zaštiti, zaštiti civilnih žrtava rata i zaštiti porodice s djecom („Službeni glasnik USK“ broj 5/00 i 7/01), i člana 20. Pravila JU „Centra za socijalni rad“ Bihać na koje je zaključkom Gradskog vijeća Grada Bihaća broj: GV-05-2850/16 od 28.04.2016. godine data saglasnost, Upravni odbor JU „Centar za socijalni rad“ Bihać Gradskom vijeću Grada Bihać, dostavlja na razmatranje Pravila o izmjenama i dopunama Pravila JU Centra za socijalni rad Bihać, radi davanja saglasnosti.

O b r a z l o ž e n j e

I Pravni osnov za Pravila o izmjenama i dopunama Pravila JU „Centar za socijalni rad“ Bihać:

Pravni osnov za donošenje predloženog Pravilnika o radu sadržan je u:

- članu 27. Zakona o ustanovama („Služben list R Bi H“ broj 6/92,8/93 i 13/94) kojim je propisano da Upravni odbor donosi Pravila ustanove;
- članu 40. Pravila JU Centra za socijalni rad Bihać („Službeni glasnik Grada Bihaća“ broj 4/16) kojim je propisano da je Upravni odbor nadležan da donosi Pravila Centra;
- članu 19. stav (1) alineja 1. Pravila JU Centar za socijalni rad Bihać („Službeni glasnik Grada Bihaća“ broj4/16) kojima su propisani međusobni odnosi između Osnivača i ustanove, gdje Gradsko vijeće Bihaća kao osnivač Ustanove daje saglasnost na Pravila.

II Razlozi za donošenje Pravilnika o unutrašnjoj organizaciji i sistematizaciji radnih mjesta JU „Centar za socijalni rad“ Bihać:

Razlog za donošenje Pravila o izmjenama i dopunama Pravila JU „Centar za socijalni rad“ Bihać je usklađivanje sa Zakonom o ustanovama („Službeni list R BiH“, broj 6/92, 8/93 i 13/94), Zakonom o ministarskim, vladinim i drugim imenovanjima F BiH („Službene novine FBiH“, broj 12/03, 34/03 i 7/13), Zakonom o zaštiti ličnih podataka BiH („Službeni glasnik BiH“ broj 49/06, 76/11 i 89/11) i Zakonom o krivičnom postupku F BiH („Službene novine F BiH“, br. 35/2003, 56/2003 - ispravka, 78/2004, 28/2005, 55/2006, 27/2007, 53/2007, 9/2009, 12/2010, 8/2013, 59/2014 i 74/2020) i Uredbom o postupku prijema u radni odnos („Službeni glasnik USK“, broj 07/19).

U Pravilima JU „Centar za socijalni rad“ Bihać broj: 01-35-1167-1-I/16 od 19.04.2016. godine („Službeni glasnik Grada Bihaća“, broj 4/2016), u članu 40. alineja 2 iza riječi „Osnivača“ dodaju se riječi „odnosno Gradonačelnika“ radi usklađivanja sa odredbom člana 58. Pravila.

U članu 50. stav (2) riječ „Osnivača“ mijenja se rječju „Gradonačelnika“ radi usklađivanja sa odredbom člana 29. stav(3) Zakona o ustanovama.

U članu 52. stav (3) alineja 5 mijenja se i glasi:

„Napomenu da će nakon utvrđivanja rang liste kandidata Upravni odbor pisanim putem obavijestiti kandidata koji se nalazi na prvom mjestu rang liste da je obavezan u roku od 7 (sedam) dana dostaviti ljekarsko uvjerenje nadležne zdravstvene ustanove i uvjerenje da se protiv kandidata ne vodi krivični postupak te da nije osuđivan za krivična djela.“ u cilju usklađivanja sa Zakonom o ministarskim, vladinim i drugim imenovanjima F BiH i Zakonom o zaštiti ličnih podataka BiH, te odredbom člana 227. Zakona o krivičnom postupku F BiH.

U članu 57. stav (1) dodaje se alineja 5 i glasi:

„-ako principi i procedura utvrđena Zakonom o ministarskim, vladinim i drugim imenovanjima F BiH nisu ispoštovani, ili bi imenovanje kandidata sa predložene rang liste dovelo do sukoba interesa.“ radi usklađivanja sa odredbom člana 54. stav (3) Pravila.

U članu 62. dodaje se stav (3) koji glasi:

„(1) Odlukom o razrješenju direktora istom prestaje radni odnos u Centru.“, a član 63. i 64. Pravila se brišu radi usklađivanja sa Uredbom o postupku prijema u radni odnos.

III Finansijski efekti Zaključka o davanju saglasnosti na Pravila o izmjenama i dopunama Pravila:

Za provođenje ovih pravila nije potrebno osigurati dodatna finansijska sredstva.

Broj:01-31- -1-I/21

Predsjednik Upravnog odbora

Bihać, 18.11.2021.godine

Dženana Ramić



Na osnovu člana 27. Zakona o ustanovama („Službeni list R BiH“, broj 6/92, 8/93 i 13/94) i člana 34. Odluke o osnivanju JU „Centar za socijalni rad“ Bihać („Službeni glasnik Općine Bihać“, broj 10/00), Upravni odbor JU Centar za socijalni rad Bihać, na sjednici održanoj dana . godine donosi

**Pravila o izmjenama i dopunama
Pravila JU „Centar za socijalni rad“ Bihać**

Član 1.

U Pravilima JU „Centar za socijalni rad“ Bihać broj: 01-35-1167-1-I/16 od 19.04.2016. godine („Službeni glasnik Grada Bihaća“, broj 4/2016), u članu 40. alineja 2 iza riječi „Osnivača“ dodaju se riječi „odnosno Gradonačenika“.

Član 2.

U članu 50. stav (2) riječ „Osnivača“ mijenja se rječju „Gradonačenika“.

Član 3.

Član 51. stav (3) mijenja se i glasi:

„Posebni uvjeti su:

- da ima visoku stručnu spremu VSS, VII stepen složenosti zanimanja ili diploma visokog obrazovanja prvog (240 ECTS) ciklusa Bolonjskog sistema studija,
- završen fakultet društvenog smjera,
- da ima najmanje 5 godina radnog iskustva na rukovodnim pozicijama.“

Član 4.

U članu 52. stav (3) alineja 5 mijenja se i glasi:

„Napomenu da će nakon utvrđivanja rang liste kandidata Upravni odbor pisanim putem obavijestiti kandidata koji se nalazi na prvom mjestu rang liste da je obavezan u roku od 7 (sedam) dana dostaviti ljekarsko uvjerenje nadležne zdravstvene ustanove i uvjerenje da se protiv kandidata ne vodi krivični postupak te da nije osuđivan za krivična djela.“

Član 5.

U članu 57. stav (1) dodaje se alineja 5 i glasi:

„-ako principi i procedura utvrđena Zakonom o ministarskim, vladinim i drugim imenovanjima F BiH nisu ispoštovani, ili bi imenovanje kandidata sa predložene rang liste dovelo do sukoba interesa.“

Član 6.

Član 58. mijenja se i glasi:

„(1) Ako se ne izvrši imenovanje direktora po objavljenom konkursu Upravni odbor će uz pribavljenu saglasnost Gradonačelnika imenovati vršioca dužnosti direktora na period od 3 mjeseca, bez provođenja konkursa.“

(2) Ako se vršilac dužnosti direktora imenuje iz reda stručnih zaposlenika Centra nakon isteka perioda na koji je imenovan vršilac dužnosti direktora će se rasporediti na radno mjesto u Centru na koje je bio raspoređen prije imenovanja.

(3) Vršilac dužnosti direktora u periodu rukovođenja ima sva prava i dužnosti direktora.“

Član 7.

U članu 62. dodaje se stav (3) koji glasi:

„(1) Odlukom o razrješenju direktora istom prestaje radni odnos u Centru.“

Član 8.

Član 63. se briše.

Član 9.

Član 64. se briše.

Član 10.

Dosadašnji članovi 65. do 85. postaju članovi 63. do 83.

Član 11.

Ova Pravila čine sastavni dio Pravila JU „Centar za socijalni rad“ Bihać broj: broj: 01-35-1167-1-I/16 od 19.04.2016. godine („Službeni glasnik Grada Bihaća“, broj 4/2016), a na koji je Gradsko vijeće Bihać dalo saglasnost zaključkom broj: GV-05-2850/16 od 28.04.2016. godine i stupaju na snagu osmog dana od dana objavljivanja.

Broj: 01-31-2395-1-I/21
Bihać, 01.12.2021. godine

Predsjednik Upravnog odbora
Dženana Ramić

Na osnovu člana 35. stav 1. tačka *ff*. Statuta Grada Bihaća („Službeni glasnik Grada Bihaća“ broj: 13/15 i 13/18) i člana 132. tačka *b*. Poslovnika Gradskog vijeća Grada Bihaća („Službeni glasnik Grada Bihaća“, br. 3/16 i 4/20) Gradsko vijeće na sjednici održanoj dana godine, d o n o s i

Z A K L J U Č A K

o davanju saglasnosti na Pravila o izmjenama i dopunama Pravila Javne ustanove „Centar za socijalni rad Bihać“

I

Daje se saglasnost na Pravila o izmjenama i dopunama Pravila Javne ustanove „Centar za socijalni rad Bihać“ koje su donesene na sjednici Upravnog odbora JU Centar za socijalni rad Bihać održanoj dana 30.11.2021.godine.

II

Ovaj Zaključak stupa na snagu osmog dana od dana objavljivanja u Službenom glasniku Grada Bihaća.

Predsjedavajući Gradskog vijeća

Zulfikar Handukić

Broj:

Bihać,

